



UNIVERSITÄTS-
BIBLIOTHEK
PADERBORN

**Poesis Sacra Sive Vitae, Mortis, Et Resurrectionis
Salvatoris Nostri Jesu Christi Historia**

Hermanni, Joachim Heinrich von

Hildesii, 1743

VD18 10904743

5tò. Missio Spiritûs sancti.

[urn:nbn:de:hbz:466:1-68828](https://nbn-resolving.org/urn:nbn:de:hbz:466:1-68828)

POESEOS SACRÆ ET PARTIS QUINTÆ
INDUCTIO QUINTA.

ACT. APOSTOLORUM CAP. 2.

Et cum complerentur dies Pentecostes, erant omnes pariter in eodem loco: & factus est repente de Cælo sonus, tanquam advenientis spiritûs vehementis, & replevit totam domum, ubi erant sedentes. Et apparuerunt illis dispersitæ linguæ tanquam ignis, seditque supra singulos eorum: & repleti sunt omnes Spiritu sancto, & cœperunt loqui variis linguis, prout Spiritus sanctus dabat eloqui illis, &c.

SYNOPSIS.

Dominus & Salvator noster Jesus Christus post gloriosam suam in Cælos ascensionem, completo Pentecostes festo, congregatis in civitate Hierosolymitana fidelibus suis Spiritum paraclitum, ut abiturus promiserat, cœlitus transmittit, & in sancta fide contra omnes adversariorum insultus egregiè roborat.

Postquam Salvator Cælos ascenderat, ejus Act.
I. 12. iussis morigeri Solymam velociter omnes

Discipuli redeunt; comitatur Virgo, suisque Associata, sacris jungit suspiria votis:

Sic quoque Discipuli solito fervore diurnas Nocturnis precibus jungunt. Amor unicus omnes Nescio quàm firmâ nectebat lege fideles. Act.
I. 15.

Inter Discipulos cathedrali jure supremus Hæc Bar-Iona refert: Christi novisse redemptos,

Qualiter Iscariota lucro seductus iniquo (lum Tradiderit Dominum; nec non quæ manserit il-

Sors horrenda nimis: restare, ut Episcopus alter Substituatur ei; præsens Ecclesia debet,

Inquit, Apostolici numerum supplere senatûs.

Adjiciunt monitis assensum, bina legentes

Lumina constantis fidei; paritèrque precantur,

Ut Deus inspiciens cor, quem delegerit horum

Unum, declaret; dubium fors jacta diremit,

T

Mat-

Matthiásque fuit promotus Apostolus. Ille
 Hebræos docuit, docuit quoque postea gente
 Æthiopum; nulli solidâ virtute secundus.
 Cùm Pentecosten Judaica gens celebrâisset,
 A. G. Exiguus Christi populus sub Præside Petro
 2. 1. Confociatus erat, Domino celebrare fideles
 Christiadûm cultus, nostri solemnia ritûs.
 Ecce repentino quatiuntur tecta fragore,
 Ingreditúrque domum vehementi turbine ventus,
 Irradiat niveâ lux quædam nube sodales;
 Verticibusque statim, linguæ flagrantis adinstar
 Flammula prominuit radio distincta biformi.
 Hic erat à Domino promissus Spiritus, almus
 Director fidei, consolatorque benignus;
 Tertia Divinæ Triados persona; bonorum
 Fons septemplicium: fons hic * *Sapientia* abyssus,
 Lux *Intellectus*, sacræque *Scientia* origo,
*Consilii*que dator, mentalis *Roboris* author,
 Fons solidæ *Pietatis* alens, sanctique *Timoris*.
 A. G. Hâc afflabantur Divini Numinis aurâ
 2. 4. Discipuli, pleni que Deo Cœlestia miro
 Ore loquebantur: sed, quod plerique stupebant
 Temporis exigui punctillo quælibet Orbis
 Addidicere loqui doctis idiomata linguis,
 Parthi cum Medis, Elamitæ, Arabésque, Syri que
 Cappadoces, Libyes, Cretes, Phryges, atque Latini
 Inter Apostolicos, auditum sacra, Prophetas
 Admissi, patriis tradi Cœlestia linguis,
 Iurâssent. Inopes agrorum, fructibus orbos,
 Ex marium fundo captantes lucra, quibusque
 Ars sua census erat, tantis super ardua rerum
 Evectos spatiis, quis non mirabitur, uno

* 7. *Dona Spiritus S.*

Informante Deo , de Divis tanta referre ?
 Iudiciis hominum (quàm deplorabile crimen!)
 Vapulat ipse Deus , reprobâ dum voce crepatur,
 Hos piscatores non quodam Numine , verùm ^{Act.}
 Ebrietate regi. Simon pertæsus , eisdem _{2. 13.}
 Respondet , quòd eò (si quæ reverentia veri
 Restet in Hebræis) ut quis se nectare Bacchi
 Infatuet , nondum processerit hora diei.
 Ebrietas procul est ; Domini virtute reguntur :
 Vaticinantur enim , juxta præfagia Ioël , ^{Joël.}
 Quæque diem Domini sint præcessura, loquuntur. _{2. 28.}
 Vos crucifixistis Iesum virtutibus Orbi
 Et signis notum , qui , David Rege Prophetâ
 Vaticinante , suo devictâ morte sepulchro ^{Ps.}
 Exivit : nostro qui vidimus omnia vultu , _{15. 8}
 Experti vobis , Domino mandante , fatemur.
 Hic quoque fidereas , nobis spectantibus, arces
 Fulgidus intravit Patrioque decorus honore :
 Unde remittendo Divinæ robora vitæ
 Hos confortavit fratres , jussitque secundum
 Inspirata loqui : si quis neglexerit , aures
 Præmonitis adhibere , Deo plectente peribit.
 Compuncti plures per verba minacia Petri , ^{Act.}
 Se , responderunt , ad quælibet esse paratos. _{2. 37.}
 Gavissus Simon , justo veroque dolore
 Compunctos , sacro Baptismi fonte lavari,
 Sicque dealbari crucifixi sanguine jussit ;
 Ac fore promisit , Cæli virtute repleti
 Ut doceant cunctas Christi sacra dogmata gentes ;
 Spiritui sancto submittunt colla profani,
 Ablutique sacrâ Christi Baptismatis undâ,
 Non secus ac alii , resonant magnalia Cæli.
 Immensus , Petro sic declamante , piorum

Crescebat numerus ; fociis Ecclesia Christi
 Amplificabatur : referunt , tria millia nostris
 Accessisse sacris. Animarum frugifer annus !
 Auxit Apostolicos per plurima signa labores
 Spiritus ex patrio transmissus pectore : totam
 Act. Prodigijs plenam meritis pavor occupat urbem
 2. 43. Quòdque stupescabant omnes , Ecclesia Christi
 Indivisa manens animâ vivebat in unâ :
 Quod docet unus , idem docet alter ; & omnia primo
 Sub Simone Petro , summo Pastore , reguntur
 O faciles flecti , quos talis Spiritus uno
 Confociat nexu ! per mille pericula mortis
 Impavidi sua sacra ferunt , Templumq ; subintrant
 Luc. Sive dies lucem , nox sive resuscitat umbras ,
 24. 53. Quælibet hora viros orantes aspicit unâ.
 Act. 2. 46. Cum Ioanne Petrus sacram Salomonis ad Ædem
 Act. 3. 1. Perrexit quandoque , Deo sua vota solutum :
 Ecce ferebatur , quem matris viscera claudum
 Ediderant Mundo ; positusque ad limina Templi
 Mendicare stipem : claudus miserabilis altâ
 Voce suæ narrat plorans incommoda fortis.
 Aspexit claudum Simon , dixitque benignus :
 Huc converte tuum , fili paupercule , vultum
 Impiger observans oculos , aspexit utrumque
 Nos sumus , adjungit Simon , ipsimet inanes ,
 Et vacui nummis ; sed fili , porrige dextram
 Quâ sibi porrectâ Simon in nomine Iesu
 Iussit , ut exsurgat strato. Sua crura repleti
 Robore sentit inops ; surgit , templumque subintrat
 Glorificans Dominum. Claudum mirantur euntem
 Ecstatico quodam raptu , quicumque subibant
 Limina sacra Dei ; Petrum , sociumque Ioannem
 Suspiciunt. Petr. 9. Quid ob hæc nos mira , stupentes
 Suf-

Suspicitis? nostrâ non sunt virtute peracta:
 Gloria tota manet crucifixum, munere summi
 Patris in excelsis positum, quem turpè Barabbæ
 Posthabitu nuper jugulâstis: pessima! fratres;
 Sed juvat in meliùs converti corda, dolorem
 Hac super offensâ sacris succendere flammis;
 Sicque refrigerii, Cœlo donante, fidelem
 Expectare diem, quo Iesus ille repletus
 Majestate Dei, cineres animabit & ossa.
 Ecce resurrexit Christus, de stemmate magni
 Thariadæ natis, & postea gentibus: ergo
 Este Deo fidi, nostrisque accedite sacris.
 Cùmq; Dei populum plùs quinis millibus auctum, AÆ.
 Fine coronato sermone, remitteret ardens 4. 4.
 Eloquio Simon; Hebræi turba Senatûs,
 Non secùs ac missi laceratum bruta molossi, AÆ.
 Prorumpit Templo, Petrum comitèmq; Ioannem 4. 1.
 Injèctis manibus (quia Sol jam verterat ignes
 Occasum versùs) donec sua lumina Mundo
 Redderet, includi tenebroso carcere mandant.
 Sol revehit lucem; concurrunt undique cives; AÆ.
 Celsa Magistratûs Hebræi lumina Petrum 4. 5.
 Cum Zebedaiade coram se stare jubebant:
 Intrepidi veniunt; cuius virtute, rogati,
 Sanâssent claudum? dicunt: In nomine Iesu,
 Quem crucifixistis, sanus pauperculus astat.
 Plura recensentem Petrum reticere, nec unquam
 Informare sacro populum de nomine Iesu
 Injungunt. Sed enim Cœli præcepta, reponit,
 Iussibus humanis esse anteferenda scietis.
 Pontifices, cùm tanta palàm miracula prostant,
 Insultum populi justo terrore verentes;
 Ut tenui Zephyro gracilis vibratur arundo,

Hinc ac inde trahunt votorum murmura: tandem
 Act. 4. 23. Ambos dimitti sequitur sententia. Petrus
 Fratribus enarrat, quæ sint decreta, Deoque
 Unanimes referunt præconia laudis: & inter
 Act. 4. 31. Orandum tellus subito concussa tremiscit;
 Accessuque novo Divini flaminis aucti,
 Pro Domino Iesu, quantumvis aspera, nullis
 Casibus exceptis, tolerare pericula jurant.
 Hinc ubicunque fuit sacri data copia verbi,
 Ex tumulo Iesum redivivum corpore, Cælos
 Ascendisse canunt, firmantque oracula signis.
 Nunquam conscendit nocturna cubilia Phœbus
 Nunquam deseruit, quo non Ecclesia multis
 Prohibus aucta, velut refluo Mare gurgite, crevit
 Sancta Fides nobis, perfecti Numen Amoris
 Joan. 15. 27. Esse, quod ex Patrio procedit corde, revelat
 Hic Amor impuri flaminas extinguit amoris,
 Affunditque novos purgatis cordibus ignes:
 Hic Amor, adverso titubantia turbine, nullâ
 Sorte solubilibus conjungit pectora modis:
 Hic Amor associat, quod dissociavit Avernus,
 Et facit, ut vivi flammis purgantibus ustos,
 Cœlicolas flectendo, juvent, illique vicissim
 Pro vivis orent, leo ne prægrandis Averni
 Devoret incautos. Verè commercia sanctæ
 Lucis! inexpertum non fastidite Rupertum:
 Musa refer potius causas, cur (lugubre dictum)
 Temporibus nostris hic mutuus algeat ignis.
 Rupit avarities, Stygiis emissa profundis,
 Vincula, quæ primus nec tebat zelus amoris.
 Frigida verba, *meum* atque *tuum*, finè fine resistunt
 Spiritui Sancto: quondam generosius arsit
 Inter Apostolicos amor hic primosque sodales.

O felix

O felix ætas ! uni quod defuit , alter
 Suppeditabat ; erant uniti corde fideles.
 Nulla simultatis species , contentio nulla ;
 Nemo ferox vultu , nemo truculentus in ore ;
 Non remorantur opem , nunquam solatia tardant ;
 Vix humana potest hæc conversatio dici ;
 Sed potius (si , quæ mortalis vita requirit ,
 Excipias) Cœlestis. Idem (quod spero futurum)
 Dicere de nostrâ si tempestate liceret ,
 O fortunatos ! sed prô dolor ! illa proterva
 Bellua multorum capitum , vaga filia noctis ,
 Hæresis extinxit , qui tunc ardebat , amorem .
 Hæc duce vastatos luget Germania campos ;
 Angelicos posuit subrepta Britannia mores ;
 Gallia salva quidem , sed quanto sanguine talis
 Libertas reparata fuit ! meâ Musa , gementi
 Ad longum recitare veto lugubria versu .

Act.
4. 32.

POESEOS SACRÆ ET PARTIS QUINTÆ
 INDUCTIO SEXTA.

ACT. APOSTOL. CAP. 7

Stephanus autem plenus Spiritu Sancto intendens in Cœlum,
 vidit gloriam Dei , & Jesum stantem à dextris Dei. Et
 ait : Ecce video Cœlos apertos , & filium hominis stan-
 tem à dextris Dei. Exclamantes autem voce magnâ conti-
 nuerunt aures suas , & impetum fecerunt unanimiter in eum.
 Et ejicientes eum extra civitatem , lapidabant. &c.

SYNOPSIS.

Dominus & Salvator noster Jesus Christus, Sancti Stephani Proto-
 martyris, ante portam Hierosolymitanam à Judæis crudeliter
 lapidati, animam in Cœlos assumit ; & Archithesaurarium Regina
 Candacis per Apostolum Philippum Ecclesia sua mirabiliter aggregat.

Nullus eâ Solymis sub tempestate vigebat
 Ordo : Domus Jacob sceptro spoliata, potenti
 Sub Romanorum dominatu stabat : & impos

T 4

He.